

XLVII. For to make Rosee <sup>x</sup> and Frese <sup>z</sup> and Swan  
schal be ymad in the selve maner.

Nym pyggus and hennys and other maner fresch  
flesch and hew yt in morselys and seth yt in wyth  
wyn and <sup>y</sup> gyngyner and galyngale and gelofr' and  
canel <sup>z</sup> and bray yt wel and kest thereto and alye yt  
wyth amydon other wyth flowr of rys.

XLVIII. For to make an amendement Formete that  
ys to <sup>a</sup> salt and over mychyl.

Nym etemele and bynd yt in a fayr lynnē clowt  
and lat yt honge in the pot so that yt thowche nozt  
the bottym and lat it hongy therynne a god wyle  
and seþh <sup>b</sup> set yt fro the fyre and let yt kele and yt  
schal be fresch ynow wythoute any other maner li-  
cowr ydo ther'to.

XLIX. For to make Rapy <sup>c</sup>.

Tak Fygys and reysyns and wyn and grynd hem  
togeder tak and draw hem thorw a cloth and do  
ther'to powder of Alkenet other of rys and do ther'to  
a god quantite of pepir and vyneger and boyle it  
togeder and messe yt and serve yt forth.

<sup>x</sup> Vide N° 41.

<sup>y</sup> Perhaps, *in wyn with*.

<sup>z</sup> Cynamon. Vide Gloff.

<sup>a</sup> id est, *too*.

<sup>b</sup> Read, *seth*, i. e. then.

<sup>c</sup> Vide Part II. N° 1. 28.